



Broj: 01/2-50-1-2-2/07
Sarajevo: 15.2.2007.godine

ZAPISNIK

Konstituirajuće sjednice Komisije za vanjske poslove Predstavničkog doma Parlamentarne skupštine BiH

Sjednica je održana u četvrtak, 15.februara 2007.godine, s početkom u 11,45 sati, a sazvaio je predsjedavajući Predstavničkog doma Parlamentarne skupštine BiH Beriz Belkić.

Sjednici su prisustvovali: predsjedavajući Predstavničkog doma Beriz Belkić i drugi zamjenik predsjedavajućeg Predstavničkog doma Niko Lozančić, te sekretar Predstavničkog doma Branka Todorović, kao i članovi Komisije za vanjske poslove: Husein Nanić, Sadik Ahmetović, Azra Hadžiahmetović, Azra Alajbegović, Milica Marković, Denis Bećirović, Sefer Halilović i Borjana Krišto.

Zbog službenog putovanja, sjednici nije prisustvovao prvi zamjenik predsjedavajućeg Predstavničkog doma i član Komisije za vanjske poslove Milorad Živković.

Zapisnik sjednice vodila je Merdžana Iglica, sekretar Komisije za vanjske poslove Predstavničkog doma.

Do izbora predsjedavajućeg Komisije, sjednicom je predsjedavao Beriz Belkić.

Predsjedavajući Predstavničkog doma Parlamentarne skupštine BiH za sjednicu je predložio sljedeći

DNEVNI RED

1. Izbor predsjedavajućeg, prvog i drugog zamjenika predsjedavajućeg Komisije za vanjske poslove Predstavničkog doma Parlamentarne skupštine BiH.

Ad.1. Beriz Belkić otvorio je Konstituirajuću sjednicu Komisije za vanjske poslove. Ukazao je na poslovničke odredbe i na prethodno postignuti dogovor između klubova poslanika, na osnovu kojih članovi Komisije između sebe biraju predsjedavajućeg, kao i prvog i drugog zamjenika predsjedavajućeg Komisije. Potom je omogućio članovima Komisije da predlože kandidate za navedene pozicije. Nakon kraće diskusije članovi Komisije izjasnili su se o prijedlozima kandidata kako slijedi:

- Prijedlog Huseina Nanića da se za predsjedavajuću Komisije izabere Borjana Krišto, članovi Komisije usvojili su sa pet glasova „za“ i tri „suzdržana“ glasa.
- Prijedlog Denisa Bećirevića da se za prvog zamjenika predsjedavajuće Komisije izabere Sefer Halilović, članovi Komisije nisu podržali većinom glasova.

- Prijedlog Azre Alajbegović da se za prvog zamjenika predsjedavajuće Komisije izabere Azra Hadžiahmetović, članovi Komisije usvojili su sa pet glasova „za“, jednim glasom „protiv“ i dva „suzdržana“ glasa.

- Prijedlog Milice Marković da se za drugog zamjenika predsjedavajuće Komisije izabere Milorad Živković, članovi Komisije usvojili su sa sedam glasova „za“ i jednim „suzdržanim“ glasom.

Nakon izbora rukovodstva Komisije, predsjedavajuća Komisije Borjana Krišto izrazila je zahvalnost na datoj podršci i informirala da će članovi Komisije po završetku ove sjednice održati neformalni sastanak na kojem će se preliminarno dogovoriti o daljnjem radu u Komisiji.

Konstituirajuća sjednica potom je i formalno završena.

Sekretar Komisije
Merdžana Iglica

Predsjedavajuća Komisije
Borjana Krišto